



Oqaasiliortut ataatsimiinnerat sisamangornermi 14.05.2020 nal. 10.00-14.00.

Peqataasussat:

Oqaasiliortut: Mariia Simonsen, Juaaka Lyberth, Karen Ramsøe & Hans Kristian Olsen

Peqataaangitsoq: Knud Møller

Oqaasileriffimmit: Lisathe Møller & Katti Frederiksen

Oqaluuserisassat:

1. Oqaluuserisassat akuerineqarnerat.
2. Kingullermik ataatsimiinnermit imaqarniliap akuerineqarnera.
3. Siulittaasumit Oqaasileriffimillu ilisimatitsissutit.
4. Siulittaasup tullissaanik qinersineq, suleriaaseq § 2.
5. Kalaallisut taaguusigassat:
 - a. *bæredygtig udvikling – mut? -mi?*
 - b. *delfin*
 - c. *isikkamik arsarnermi taaguusersuutit akuerineqarnissaat*
6. Aalajangiivigisassat allat:
 - a. Naya pillugu saaffiginnissut
7. Suliat allat pillugit ilisimatitsineq
 - a. Inuit aqqi pillugit saaffiginnissutit
 - b. Tusagassiorfinnik suleqateqartarneq pillugu ilisimatitsissut
8. Ataatsimiinnissap tulliaata ullulernerqarnera.
9. Tamalaat.



Imaqarniliaq

1. Oqaluuserisassat akuerineqarnerat.

Oqaluuserisassat akuerineqarput.

2. Kingullermik ataatsimiinnermit imaqarniliap akuerineqarnera

Februaarip 26-anni 2020-mi ataatsimiinnermit imaqarniliaq akuerineqarpoq.

3. Siulittaasumit Oqaasileriffimillu ilisimatitsissutit

Oqaasileriffimmit ilisimatitsissutit allassimasut tusaatissatut tiguneqarput.

4. Siulittaasup tullissaanik qinersineq, suleriaaseq § 2

Oqaasiliortuni ilaasortaq Karen Ramsøe siulittaasup tulliatut qinerneqarpoq.

5. Aalajangiivigisassat:

a. *bæredygtig udvikling – mut? -mi?*

Oqaasiliortut septembarip 19-anni 2019-imi ataatsimiinnerminni bæredygtig udvikling kalaallisut ima taaguuteqartussatut aalajangeraluarpaat: “*piujuartitsilluni ineriartorneq*”, kingornali paasinarsivoq piujuartitsilluni ineriartortitsineq imarisarpiaanut naleqquttusoq. Tamanna pillugu Oqaasiliortut *bæredygtig udvikling* ima allanngorlugu akuerisatut taaguuserpaat: “*piujuartitsilluni ineriartortitsineq*”. *Piujuartitsilluni ineriartortitsineq* sorlermik kingulleqqiuserneqartassanersoq Oqaasiliortut misissuisitsereernerisa kingorna aalajangiuppaat sumiiffilerut *-mi* uiggiullugu atorneqartassasoq, taamaattumik uku Oqaasiliortunit akuerineqartutut aalajangiunneqarput:

○ *verdensmål for bæredygtig udvikling*

- **piujuartitsilluni ineriartortitsinermi nunarsuarmi anguniagaq**
(qass. piujuartitsilluni ineriartortitsinermi nunarsuarmi anguniakkat)

○ *FN's verdensmål for bæredygtig udvikling*

- **piujuartitsilluni ineriartortitsinermi FN-ip nunarsuarmi anguniagaa**
- (qass. piujuartitsilluni ineriartortitsinermi FN-ip nunarsuarmi anguniagai)

b. *Delfin*

Delfininut tunngasut taaguutissatut akuerisassanngortinneqartut pingasut Oqaasiliortunit eqqartorneqareerlutik innersuussuteqarfigineqarput. Oqaasiliortut taaguutissatut innersuussutigisaat KNAPK-mut Pinngortitaleriffimullu tusarniaassutigineqareerunik aatsaat aalajangiivigineqarumaarput. Oqaasiliortut kalaallisut taaguutissatut innersuussutigisaat ataani takuneqarsinnaapput:



- *hvidskæving (lagenorhynchus) (aarluarsunnut tamanut overbegrebi)*
aarluarsuk
- *hvidnæse (Lagenorhynchus albirostris)* **aarluarsuk qaqortumik siggulik**
- *hvidskæving (lagenorhynchus acutus)* **aarluarsuk kajorujuttortalik**

c. *isikkamik arsarnermi taaguusersuutit akuerineqarnerat*

Isikkamik arsarnermi taaguutitut akuerisassani 444-usuni maannamut 12-it Oqaasiliortunit akuerineqartut ukuupput:

<i>2. advarsel</i>	mianersoqqussutip aappaa
<i>2. dommer</i>	dommerip aappaa
<i>3. dommer</i>	dommerit pingajuat
<i>4-sekundersregel</i>	sekundini sisamani malittarisassaq
<i>åben færdighed</i>	periataarsinnaanermik piginnaasaq
<i>åbningskamp</i>	ammaanersiorluni unammineq
<i>advarsel</i>	mianersoqqussut
<i>give advarsel</i>	mianersoqqusivoq
<i>afbrudt kamp</i>	unammineq unitsinneqartoq
<i>afgørelse</i>	aalajangiineq
<i>aflevering</i>	tunniussineq
<i>afleveringsskygge</i>	tunineqarsinnaanngikkallarfik

6. Kalaallisut taaguusigassat:

a. *Naya pillugu saaffiginnissut*

Niviarsiaqqat aqqat Nayaaraq Oqaasiliortunut qinnuteqaatigineqartoq allattaatsimut uniuummat itigartitsissutigineqarsimasoq pillugu Oqaasiliortut eqqartuereernermi siunniuppaat qinnuteqartoq ilisimatinneqassasoq allamiut aqqat Naya tunngavigalugu kalaallisullu -araq-mik uiguuserlugu qinnuteqaqqissinnaasoq.

7. Suliat allat pillugit ilisimatitsineq

a. *Inuit aqqi pillugit saaffiginnissutit tusaatissatut tiguneqarput.*



b. Tusagassiorfinnik kiffartuussineq pillugu ilisimatitsissut tusaatissatut tiguneqarpoq. Siunnersuutigineqarpoq Danmarkip Radioani periaasiusimasooq, sulisunut sprogbrevinik nassiussisarneq, misilinneqarsinnaasooq.

8. Ataatsimiinnissap tulliaata ullulerneqarnera.

Maajip 28-at 2020 nal. 10-14 tulliani ataatsimiiffiussaaq.

9. Tamalaat.

Ataatsimiinnermi peqataasut:

Mariia Simonsen
siulittaasooq

Karen Ramsøe
siulittaasup tullia

Hans Kristian Olsen
ilaasortaq

Juaaka Lyberth
ilaasortaq

Ataatsimeeqataannngitsup imaqarniliaq atuarsimallugu uppernarsarpaa:

Knud Møller
ilaasortaq